



西寧縣新志序

德慶州治隸端州舊志

高天



垣廣車

地事誦訓掌道方志詔觀事志
所由起蓋從周始矣矧西寧新

造草昧而記載缺然使吏茲土
者入其境風土謠俗不及知凡
諸廢置因革不及聞安能為政
何所病之病無徵也夫古之剖
置方州皆因山川形便與其道
里遠近所宜故或因要害之形

而為之臨制或順臂指之義而
為之彈壓要歸於建威銷萌計
深遠以久治安而已西寧東接
朔州西連蒼梧封疆聯絡休戚
相維繫故西寧安則端梧二郡
邑舉安西寧有倣二郡亦未得

安枕臥也

國家特設羅定一道與嶺西道互
相控制意念深矣夫天有誣信
地有翕闢亦各以其時行耳西
寧在百十年以前莽為盜區自
葺路籃縷以啓山林西寧因列

在方州比於牧鎮天運地靈于
斯為盛今置縣幾二十年林木
芟柞土田墾辟度畝定稅設兵
議餉律學立師張官置吏與諸
調度治華悉皆林林總總載在
掌故何可勝術時詘而信時奮

而闢天地且不能違之斯其為
群生之府乎西寧際今日茲其
開闢之時也時至而百志成纂
脩備矣第承平既久時異勢殊
經理制置之方難以膠固搖撞
雖即敘然特羈縻之耳未必其

無狡焉啓疆之志則撫之難西
山之戍屯聚數千皆烏合之衆
一旦脫巾而呼何以制之則馭
之難田賦地土俱他邑豪勢占
籍其中影匿飛詭不可究詰則
清理之難山菁叢家一圖疊

浪賊依投潛藏互相誑引不商
不農日競酣賭究所歸宿不無
可憂則消弭之難夫惟知其難
而先治之於以制政之常節俗
之中經土之法犁然莫不中窾
是良有司事也語曰鑒於水者

知妍與媸鑒於古者知得與失
此志成而制治保邦之規大略
一可考鏡矣余不佞常以觀察出
行部晉康間見西寧邑在萬山
中據端上游比於唇齒日夜皇
皇然思為之計慮非特以英新

造故抑其地重矣繼今吏茲土
者按籍而求之論往事而討舊
章勤咨諏而周考核因時制宜
因略致詳要以久安長治為千
百年善後之計是鄒氏所謂潤
澤也有如苟且些窳恣睢腹削

西
以至於啓釁召災則西之寧無日
矣又安用志余故因敘志而重
為更茲土者勗焉

賜進士第中憲大夫廣東等處提
刑按察司奉

勅整飭兵備兼分巡嶺西道副使

前禮科左給事中奉
勅巡視京營侍

經筵溫陵洪有復書

真地志第一

圖經

沿革

疆域

表

山川

附并

形勝

陂塘

水圳

氣候

風俗

物產

建置志第二

城池

公署

學校

學署

學田

行署

屬署

街巷

樓亭

墟舖

橋路

津渡

賦役志第三

戶口

田糧

賦役

禮儀志第四

國禮

祀典

秩官志第五

官制

歷官

名宦

人物志第六

進士

鄉舉

歲貢

鄉賢

貞烈

兵防志第七

兵署

武職

營堡

地方紀畧

藝文志第八

文

詩

外志第九

徑僮事實

雜志第十

西寧縣志目錄終

總叙

一志古外史以體裁為尚文字次之志西寧以典
禮建統賦役禮儀秩官等分類者蓋

一志古外史六典建官位事天下事悉備之矣微獨西
寧哉提挈其綱分析其目遵

一志古外史大體也書法詞宜簡核至於闕繫最重者一

疑似考究未詳則闕之以俟不敢妄為之說蓋志

所以志一邑之事取其切於世務及有裨風教者
隨類附載以便考閱非私有去取竟虛美隱惡焉
也昔孔子作春秋其事極文其文史義則自謂
取之亦以事非文不傳文非義不載義以命之
以敘書天是為經義者宜也筆削失宜何以曰
濶偉等不妄輯志謹按史家例以裁訂之雖毫
才短無所裁然所自信者此心期可信今甫
以取不局安托之初意若夫有知我百罪成
之矣

輿地志

自昔聖人制治曷嘗不因時敷土便事哉是故量
地制邑度地居民莫先於正封域封域正而民有
所止矣次則稽圖籍以重民教要之非山川奚生
非形勝奚守非食貨奚養而隄防氣候風俗尤宜
便之邇觀天下初縣生聚教訓積數十年遠或百
餘年乃能稱雄西寧在舊瀧水縣境時固全丞之
一屬而大裘之一腋也十餘年來名賢之臣先後
相望文學之士彬彬迭出豈非地事違會於天時

我故曰聖人之功時為之庸詎不信夫地闢民聚
因其山川綏其都里備其險塞脩其隄防物其土
宜正其風俗本禮而為之教責在賢司牧哉


圖經叙

周官輿地必有圖以知險阻掌於土訓圖必有志
以知地俗掌於誦訓西華舊為羅旁侏儒之區崧
萃盤紆遠數百餘里一旦闢而坳邑其間不十數
年而編戶衣冠可進齊魯謂風土足以限人於白
沙陳氏曰星臨雪應此語非謬上能齊魯其民民
一變至於道則圖經之作非直為險阻地俗而設
者矣

東至東安縣南江口北界六十里



內 境 圖



沿革

廣東古百粵地秦取其地為桂林南海象郡羅旁
津德慶即南海郡地元李州人李質守德慶封川
二郡

國朝洪武元年李質歸附改路為府九年葦府為州
瀧水其屬邑即羅旁也自正統十年來獬賊盤踞
戕害生民侵占田土丁糧虛耗境內告匱萬曆三
年乙亥總督軍門殷公止菴

請大征適允而公陞為大司徒

明年丙子大興師旅盡鴛賊巢數傳侵土悉
畝改瀧水縣為羅定州兵備道住鎮州由瀧水
界分東西兩山東設東安縣治置南鄉富霖二
以翼之西設西寧縣治置封門函口二所以翼之
東西各設叅將壹員以分守之德慶江南舊地盡
隸於一州貳縣

疆域

西寧縣東西廣壹百貳拾里南北袤五百五拾里
東至東安縣南江口北岸界六十里西至廣西蒼

梧縣界壹百貳拾里岑溪縣界貳百里南至羅定
州界壹百陸拾里北至德慶州北岸界壹十里
又奉文段闢新路自舊封門起後護舊函口
懷鄉巡司止計程貳百捌拾餘里又自本縣起
下城崗逍遙抵連灘止壹百餘里

郭里

西寧縣編圖貳拾

城外 西門圍

十三郭壹箇貳箇統村圍三

樓社圍 練村圍 古田圍

十四都一圖三圖六圖統鄉村二十三

丁村 西隴 羅村 木蓀 神坦 大豹

平鄉 富樺 埔黃 木蘊 金螺 金密

太平 石頭崗 杜村 野塘 埔角 脚田

息村 新村 河田 沙塘 滿口

十五都一箇三箇四箇五箇統村圍七

大塘圍 古寺圍 古田 橋亭 平樂

萬洞圍 大村圍

太平都一圖統村圍三十八

下城崗 大林園 大榕 平村 上馬 寶珠

新安 大良 沙涌 井涌 涌坡 涌強

風流峒 沙頭 四平 沙塘 安坑 文涌

文公涌 馬驕塘 內逕 古羅 神塘 佛子

車竹 孟雲 蓮塘 凭灣 並涌 古貽

格木灣 玉枕山 小源 蘭頂 大力 東坑

車黎 上下疊

永安都一圖統鄉村三十

東塞 外塞 石龜 涌東 金叢

郭降 小封門 上車墩 涌平 雷慶

玄塘 白片 下車墩 陳塘 高田

雙豆 雙涌 占蓬 僊人峒 逍遙

蓮塘 黃坭 丁村 黃梅 梓子

上下灘 大榕 涌鏡

裕寧都一圖統鄉村十四

大莆 涌郵 都局 力崗 黃涌

小練 沙木 中鮑 永豐 藍青

全安 安寧 上橋 水源

常靜都一圖統鄉村七十二

燈心 上大傘 下大傘 雲稍 雲信

筋竹 黃九崗 大崗 淋南 鎮崗

大塘 大荒 大豐 沙零 沙塘

水尾 平樂 干官 大崗心 朗涌

榭葛 雙陂 金板 雙龍 大金

高車 羅移 老鴉 金銅 金注

野鴨 七涌 下金 蕪村 涌邊

興沙 譚撞抵 石頭 甘塘 譚六

沙黃 譚崩 車田 新慶 永安

六迪 梅崗 竹塘 小崗 灣崗

朝巖 高樓 夜護 滿村 桑園

雲龍山 葵嶺 雙瓮 田芋 白竹

芥菜塘 上思慮 合水 山心 新安

新樂 太平 河又 井灘 天秉

涌便 河旭

保和都一圖統鄉村十九

龍泉 中寨 城拱 太平 保安

安樂 金容灣 大車 大灣 雲羅

東水 蓮塘 康塘 大船 西水

大澁 矮膝 黎崗 古周底

建康都 圖統鄉村二十一

河口 張七 石脚 城拱 平山

蕩村 墟頭岡 瀘水塘 龍塘 橋頭

庵羅 上沙田 下沙田 柳凍 黎崗

天井 官良 土貢 木栗 譚義

定康都 豐都 感化都 樞密都 鎮南都 十四年
獐田 輕齋 為民 糶 添 設 統 鄉村 八十七

龍塘 路話 紫微 鳳官 土地

直巷 譚章 石龜 山松 羅雲

青同 高崗 湖峒 上峯 黃塘

廖村 白龍 下峯 黃埆 排崗

大水 木欄 陂辣 橫水 鞍馬

乾桃 低阳 荔枝 大埆 馬鞍

黃糯 大河滑石 良眉 譚丙 平地

坡頭 沙底 黃巖 雲良 暖水

暗羅 橋頭 河洛 崗凹 大崗

樾荒 平田 崩侯 雙崗 木瓜

硃砂 黃坭 雙龍 石頭 大樟

古了 北崗 南山 錢排 雙底

黎沙 茶山 楓木 白石 林魚

扶龍 迴龍 貴子 七寨 平峯

木榜 萬料 高卑 雲類 竹雲

大塘 馬櫃 斗村 左蛇 白馬

崗 石根 鷄卵 河崗

排阜 雲倉

大力山 周貳百且高陸百丈形勢雄偉在縣東

筆架山 拾陸里 大力山之東行十里距城南肆里

書案山 卓立形如筆架 即鷄骨嶺鷄骨香產焉

文筆山 距城東南六十里

文德山 城東一里

武功山 城西一里

玉枕山 城北一里

鷄暴山 在常靜都距縣七十里

馬鞍山 一在城南三里一在定康都距縣二

貴子嶺 在丞口所距縣壹百八十里

筭杯嶺 在丞口所距縣壹百八十里

黃坡嶺 在丞口所距縣一百六十里

僊人崗 在城南五十里

薑表石 在羅旁水口對面距縣二十里

文昌江水 在城東一里

武倉水

羅旁水 源出都城鄉南流柴拾里入于江水口有石紋圓如羅經故名

雙床水 源自新樂思慮諸山僅浮木筏而達于州

龍池 在都城鄉水深貳丈餘其清徹應秋冬通潤相傳有龍潛其中歲旱禱雨即應

年

夫子井 在都城鄉李無載墓前廣貳丈深丈餘其水冷冽病者飲之多愈如稱無載為天子

故名

井泉井

在燈心嶺脚其水清甜

形勝

縣治峯巒環護前聳筆架後屏玉梳東連文軸山
西峙武功二水夾流以達大江華表砥柱以捍水
口然融結小巧外無舒地僅邑云

陂塘

風流崗陂 在城南一里

第一步水陂 在城南二里

衝竹陂 在城南一十五里

車澗陂 在城南二十五里

百家庄陂 在城東壹百里

石頭崗陂 在城西四里

河田陂 在城西二里

西岸陂 在城西二里

息村陂 在城西五里

鎮康陂 在都鄉十五都廣十餘畝灌田二頃七
卜餘畝

水圳

東圳一帶西圳一帶知縣林致禮注意開築灌田
利民闔邑嘆慕咸曰我侯之力居者歌於室行者

取於途信其然矣

氣候

縣治之地叢崗疊嶂鬱沍成嵐以故民多瘡病腹
體重倦蓋陽燠之氣常洩陰濕之氣常盛二者相
搏一日之間氣候屢變炎蒸則熱風雨即寒諺曰
急脫急着勝服藥言不時也居斯土者宜善調養
之

風俗

按往時獯獪竊據俗皆侏僂自開闢以來各郡之

民麇至鱗集工商技藝各司其業附郭者冠裳
楚吾伊之聲遍于閭閻間有始興等處之民舊俗
猶未丕變性勇鬪狠婚不俟冠字不及笄治喪尚
浮屠祛病信覘鬼蕪以土荒田曠登於山麓可茹
吾於水鮮可食民習嗜竈無終歲之蓄書皂老人
悉外境滑稽為之近雖守法中未免有貪毒者語
曰慈母有敗子嚴家無格虜者則以罰之加焉必
也後之執事留意焉

物產

穀品有白糯粘糯粳麥白豆綠豆芝蔴
布品有綿布蕉布綿苧青蔴

菜品有芥菜薤菜茄薑蒜蔥韭薯芋萹藤茼蒿莧
蓬芹薺菜蘆筍青笋

瓜品有苦瓜黃瓜蒲瓜東瓜葫蘆

菓品有黃皮金斗子荔枝圓眼山棗石榴青梅
蔗茨菰金橘柑桔橙柚棗李盧橘香櫞芭蕉毛錫
榛栗梨柿楊桃猪膏子

木品有鐵力楠樟松柏杉桂槁栲椽枕榔漆楓

梨森欖鴨脚相思

竹品有大頭苦竹青皮桃筋丹籬筋鷄距竹

苳品有蘭苳樹蘭芝蘭月桂木犀菊苳錦堂春山
茶苳藤茉莉夜合指合紅花

艸品有車前馬鞭冬葉萎辣草

藥品有宿砂决明陳皮益母山梔薄荷葛根香艾
枸杞何首烏紫蘇巴苳良薑斑猫

鱗品有魷鮠鯪鯉鯢黃鱔斑魚塘虱坭鰕

介品有龜鱉螺蜆蝦穿山甲

羽品有鷄鴨鵝鶴鷓鴣山鷄山鳩鳩鴿燕鵲鷓鴣
伯勞鴉鷹雀

毛品有虎豹熊豺猿猴馬牛羊猪鹿山馬山猪野
狸竹鼯

蟲品有神蛇田鷄蜜蜂蜈蚣蟾蜍蝴蝶螳螂蛇蚓
天蚤蟋蟀蟻

論曰余紀輿地羅旁之區舊為盤瓠氏所窟穴自
大征蕩平一旦而更新之蠹除民集界城堡近遠
圖若村增損多寡山川勝鬻吾凌今書之也

西寧縣建置志卷之二

王公設險以守國營置郡邑而城池而官署以次
駟列豈徒使之丹墀其居而燕越其民也哉蓋大
而秉憲風猷次而鳴琴昌化又次而振鐸飾藻皆
所以度君命而奠民生也西寧舊稱盜穴狼窟一

三

威靈遠暢正朔數十傳所不加擇形勝而城之署位
竊然具奉規制弘遠矣司署者誠職思其居縮結
約束溫飲煦養俾窮陬僻壤盡獲寧宇將環四境

為帶而憑高臨深不為險也玄黃琦瑋不為厲也乃若偃然民上恃其攸宇而致基本以礎即金湯之固雕之雄民誰與我哉佐建置

池萬曆五年知縣朱寬築高連雉堞壹丈玖尺厚壹丈厚叁百捌拾叁丈東南環以壕塘城門三東曰東門南曰南門西曰西門北以近山湮焉各建層樓東門月城壹座周伍丈伍尺窩舖貳拾貳間雉堞捌百肆拾柒兵馬司六拐角樓三北懸樓壹連年崩圯知縣吳道遠督工脩整至萬曆拾肆年

潦水淹浸傾頽週圍城垣壹百玖拾叁丈叁尺玖寸知縣林致禮州判李學詩綜理脩葺千戶劉元威督兵助工視舊制加固

署萬曆伍年知縣朱寬建正堂壹座叁間東為贊政廳西為儀仗庫又西為主簿衙又東為縣丞衙典史衙後為川堂後堂正衙叁間庫房壹間左為廂房玖間正堂兩廊卷房拾肆間前為戒石亭為儀門儀門外左為土地祠右為獄房又前為大門上有鼓樓門外為申明旌善二亭萬曆玖年奉

西華縣志 卷之二 十一
明文裁革將縣丞衙改作主簿衙主簿衙改作典史衙
典史衙改為叅將衙宇又書房低矮吏廨傾頽
萬曆拾柒年知縣林致禮申允親督建造

學校

先師廟在縣治右中為正殿左右為兩廡前為戟門
又前為櫺星門為墜壁

神庫 神庫各壹座

敬聖公祠在廟右

以一亭在廟左

名賢祠在儀門左

鄉賢祠在儀門右

者

堂一座三門在文廟後東西廊各房共十間前

儒門又前為儒學大門

塾訓衙前後共二座各六間門樓壹座在堂左

訓道衙前後共貳座各六間門樓一座在至石萬曆

十九年新設

社學廳一座三間前有門樓在東門內知縣林致禮

修整延本學生貢羅績為師教訓士著子弟進庠
者數人

蔡嶺社學萬曆十七年千戶劉元威呈立教訓僮童

行署

分司正堂一座三間左右廂房四間後堂一座三間
前為儀門三間又前為大門門外官房二間在兩
門內

屬署

都城巡檢司在縣西四十里成化六年

城百二十九丈四尺五寸高一丈六人馬路

丈三尺五寸城梁一百三十四城門鞏

舖六間內建城隍廟壹座大門壹座土地祠

巡司衙門壹座三間嘉靖二十年風雨傾頽萬曆

十五年申詳委典史黃永敬督工脩理

懷鄉巡檢司萬曆十七年奉

明文設衙門一座於掘崗驛同城共守委主簿支

大烈督工建造

預備倉在城門東之高地

懷鄉城內去溪澗遠。閭民日用之水皆取諸池塘污濁難食。主簿支大烈痛切民情鑿一井於城之內。其井泉水。繼出。懷鄉商民取之不竭。凡汲是水者皆欣欣然有喜色。故名曰喜泉井。上建一亭。週圍各八尺高九尺。石碑一座高六尺。主簿支大烈捐俸建造。

樓臺

鍾樓在縣前十字街。扁二。一曰雄鎮。一方一曰警。

數。四達。萬曆十九年知縣林致禮捐俸。

八角亭在分司左。削狹而高。朗萬曆十八年知縣林致禮建設。

長春寺在東門外。萬曆九年建設神堂一座。僧房三間。門樓一座。知縣吳道遠給江門渡一隻。知縣林致禮給寺前地一段。典僧人朝夕香燈。井泉井在燈心嶺脚。知縣林致禮建造千戶劉元

威督脩

公館

羅旁水口一車教一大傘一以上俱萬曆五年設

六迪一扶合一以上萬曆十七年委把總劉元威陳邦武督造

變夷嶺一係知縣林致禮捐俸建設

教場原在東門城外十八年議詳遷于南門外舊

中軍營知縣林致禮綜理千戶劉元威督造

演武亭一座皂隸亭各一所十九年千戶朱繼烈

元威督造

街巷

縣前東街 南街 西街 十字街 武功街

城脚街 東門外直街 南門外橫街

河邊水街

西邑新勅街道未修遇雨即泥滯苦行署縣德慶

州判宣淫捐贖罰銀兩買磚修砌不日落成街衢

平整

關

太平關東門城外水街 阜康關東門城外

南關南門城外

墟

回龍墟 東門外舊教場地

車涇墟 在封門所距縣南五十里

思慮墟

西門墟 在函口所距縣西四百里

廟背墟 在都城距縣西五十里

永安墟 安鵝墟 白石墟

鎮安墟 上五處俱新設

舖

縣前舖 小封門舖 大傘舖

橋

文昌橋

在縣東門外萬曆四年建造十五年燬於火燒毀今改遷下大死南前委巡檢廷訥督工脩整

龍橋

在縣東門外里許廣濟橋在縣東扶獨村距城十里

太平橋

在下城崗距縣十六里萬曆十九年濬水衝卸近有異跡商民往來病涉委官典史諸厥督脩

剡涉橋

在縣東大崗水口吳公橋在都城鄉知縣距城伍里吳道遠建

一路自羅旁口起至羅定東營止計一萬三千二

百四十丈又自黃五口起至六迪分水止計三千

八百丈道路濶一丈二尺兩邊林木砍伐橫濶三十

餘丈搭架橋梁八十五度授成者羅道陳公文換

西寧縣志 卷之二
主其事者知縣林致禮督其事者把總劉元威一
自夜護城起抵州亞婆灘止計八千零二十六丈
又自蘆荻埭至夜護中軍城止計四千一百五十
丈又自護城起至鎮安寨止計六千九百二十丈
道路橫濶一丈二尺兩邊林木砍伐橫濶三十餘
丈搭架橋梁一百四十三處授成者羅定道陳公
文衡主其事者知縣林致禮督其事把總許應明

渡

龍江渡

庄步渡

江門渡

廣城渡

慶渡

都城渡

羅勞渡

論曰春秋重民力興作必書書魯僖新南門者譏
其創作勞民也西寧慕爾孤邑九山一田錯壤而
耕者火煙遼邈環城郭而肆列者皆異鄉之商賈
數年生聚數年休養相時猜役民不知勞以故
昆建維新斐然不讓古都邑也昔有過萍鄉者夜
宿邸中聞鐘鼓分明知其宰嚭心政治嘖嘖語金
陵守同薦于朝卒為良吏則鐘鼓有樓詎徒粉飾
觀聽亦觀風考政之一資矣迺若水州下興葦西

西華縣志 卷之五
土竟不毛。政享粒食者。思河洛之禹功。周家木拔。道通昆夷。喙息卜世。一年率由於此。則開圳通道之功。即謂與天壤俱敵可也。粵稽夏時於功。稽而係之以服。周官司徒掌數。而稽其籍。司空登數。而書於版。無非懼盡力戍民也。噫。用民力者。興利除害。可矣。慎毋役得已哉。

縣治初立以來。街衢向未修砌。溝渠淤塞。水浸民商。遇淋雨街道泥沍濕爛。溝渠閉塞。悉皆水浸。民商苦於步履。至壬辰萬曆二十年春三月。德慶州判官宣涇奉當道委署縣篆。自擊泥渾行者艱難。令老人朱萬全查估動支自理公費。買磚雇匠協同居民命各家門首修整。遇低填補。結砌自縣前左起。橫至東門城右起。橫至西門縣前。照牆直至南門。三鍾樓西街橫至劉千兵門首止。東街橫至軍營。直至預備倉前水關止。通共四百一十一丈。

五尺仍督令老人將崩邨水關兩岸用竹木築培
剝塹溝渠一帶疏通士民欣然喜悅計一月間厥
功告成至今民頌其德行之惠

又廟照牆原設在泮池之前數官雲名山見得人
遠且為鄰近居民時常作污甚為不便欲要移之
以便觀望亦皆本廳捐資添備磚灰結砌今

廟學前一帶街道照牆湊然一新

西寧賦役志卷之三

國之所以為國者人民衆也民之所以為民者財
力裕也化國之日紓以長故民富庶而力有餘
國之日^短促故民貧苦而力不足古者任二作自
則壤成賦用民之力歲不過三日必於農隙故財
不匱力不誡而頌聲作後世法外取盈盡數驅之
如牛羊然豈法本如是哉矧西寧九山一田七脊
民困復使民其咨曰朕我以生而我顧忘其損
齊則於父母子民之道胡稱焉嗟夫水盡則魚竭

民窮則國蹶保啻膏脂身乃肥道裕於民民乃依作賦役

戶口

見在人口貳千貳百柒拾伍戶男婦玖千捌百伍十四丁口

割附德慶州人丁壹千柒百丁口

恢復民田每稅伍拾畝折人丁壹丁共折丁貳千玖百貳拾伍丁每丁派銀叁錢遇閏每丁加派銀壹分壹釐陸毫貳絲貳忽

割附德慶州官學民僧道田地山塘灣壩稅陸陸千零玖拾叁畝陸分伍釐壹毫

復陞科民狼田地山塘額徵稅壹拾肆萬肆千零壹拾柒畝陸分玖釐肆毫貳絲玖忽玖微

新承墾溢出陞科萬曆拾肆年會派起徵稅叁百伍拾畝拾玖年起徵稅壹千玖百零壹畝貳分零壹毫陸絲陸忽零捌忽

候詳會派十八十九年承墾荒地山塘未經起徵稅壹萬零貳百陸拾捌畝叁分零叁絲伍忽

糧米

割附德慶州官學民僧道夏稅農桑共實徵米壹千

肆百叁拾石零柒斗玖升叁合

官米捌拾伍石壹斗肆升玖合伍勺

學米貳百貳拾玖石叁斗陸升陸合陸勺

民米貳千零貳拾捌石叁斗肆升零玖勺陸抄

僧米陸拾捌石零肆升柒合貳勺肆抄

道米壹拾捌石壹斗叁升柒合玖勺

互免米壹石叁斗伍升零捌勺

農桑米肆斗

恢復陸科原額實徵米伍千玖百伍拾陸石壹斗

壹升貳合肆勺肆抄貳撮內民米伍千柒百叁

拾柒石壹斗貳升陸合叁勺零貳撮捌圭貳粟

肆粒每石派銀捌錢貳分伍釐輕齋僮米改民

米貳百壹拾捌石玖斗捌升陸合壹勺肆抄每

石派銀柒錢貳分伍釐遇閏每石派銀壹分壹

釐陸毫貳絲貳忽

新承墾溢出陸科萬曆拾肆年派徵米壹拾石伍

斗拾玖年派徵米伍拾柒石零叁升陸合零柒
抄玖撮捌圭貳粟肆粒每石派銀捌錢貳分伍
釐遇閏每石派銀壹分壹釐陸毫貳絲貳忽
候詳會派十八十九年新承墾荒地山塘未經
起徵米叁百零捌石零肆升玖合零壹抄零伍
圭

歲派起存錢糧共銀捌千柒百柒拾壹兩零貳分
捌釐陸毫伍絲零貳微捌僉玖沙貳塵肆毫
一起運存留錢糧

一頁起運戶庫米并水脚共銀貳百柒拾貳兩捌
錢陸分貳釐玖毫陸絲伍忽

一項官民料價鋪墊并續加京估料共銀壹百零
壹兩柒錢貳分柒釐貳毫肆絲叁忽零貳僉肆
沙肆塵肆埃

一項廣西梧州府廣滿倉米銀貳百貳拾兩零叁
錢貳分玖釐壹毫零柒忽捌微零柒沙玖塵

一項解司軍餉米銀肆百捌拾壹兩肆錢壹分肆
釐柒毫

西寧縣志 卷之三
一 項軍器料銀貳兩柒錢陸分叁釐伍毫

一 項協助壽康驛驛傳銀捌拾陸兩捌錢玖分叁釐貳毫

一 項糴差銀捌百陸拾陸兩陸錢柒分玖釐遇閏

加派銀柒拾壹兩叁錢柒分肆釐壹毫

一 項均平銀貳百捌拾兩零壹錢壹分

一 項民壯銀本縣民壯貳百名每年支用銀壹千肆百肆拾兩於割附實差丁米并陞科丁米通融編派遇閏加派銀壹百貳拾兩

一 項本縣之應馬銀壹百兩以割附實差丁米

一 項備支縣所折色米銀貳百叁拾叁兩柒錢伍

分捌釐陸毫貳絲伍忽伍微玖分玖釐陸毫

一 項備支縣所本色米銀貳千肆百零玖兩肆錢

伍分玖釐肆毫零捌忽柒微貳分玖釐陸毫以

陞科糧米派

一 項封門函口二所官軍俸月糧銀并吏目俸薪

共銀貳千壹百叁拾叁兩壹錢捌分叁釐肆毫

玖絲零壹微叁分陸沙叁塵貳埃以陞科丁米

冰

一項戶口鹽鈔銀捌拾叁兩柒錢壹分柒釐玖毫
遇閏加冰銀肆兩陸錢壹分柒釐

一項夏稅農桑米銀柒錢捌分柒釐捌毫陸絲

一項學米銀伍拾柒兩叁錢肆分壹釐陸毫伍絲

正

西寧縣儒學學田萬曆拾貳年知縣吳道遠申詳以

送壹項柒拾肆畝叁分壹釐肆毫貳絲玖忽內

伍畝拋荒無人承種止得實稅壹項陸拾玖畝

分肆厘肆毫貳絲玖忽孫學收管近年租利周濟
貧生支用歲額納秋糧正稅米銀肆兩貳錢貳分
壹釐叁毫

論曰說以先民民忘其勞弗損益之其道大光此
勞民取民之善易可考鏡也寧初一荆棘區耳始
有司度地分授即瘠确山林弗辨盡考賦之而當
役者又有楚人種稻踐土之患吾最苦西人之難
為爾矣幸有條鞭之法在賦有定準役有定法瘠
土之民猶賴以休養息肩也司牧者常以瘠土視

西邑以身瘁視烝黎寧保障毋爾終寧鸞鳳毋鷹
鷂則祭土可無歌仇離可無泣矣嗟嗟者狼莠者
傷禾稼惠奸究者賊良民任使之役可不慎哉

卷終

西寧縣禮儀志卷之四

太史公曰君子審禮則不可欺以詐偽又曰禮者
人道之極是故先王制禮祀

先聖先師示民知道也祀社稷示民知養也祀山川
示民知安也能捍大災則祀之能弭大患則祀之
示民知報也厲則祀之錯則祀之示民知和睦也
祀先老于瞽宗示民知尊故也寧故新治幸禮教
大同祀脩故典孝文謂繁禮飾貌無益於治躬化
謂何耳有司探其本原設誠致行而又廣之化導

俾禮讓旁皇周洽神和人欽即會極之盛曷以加焉作禮儀

國禮

慶賀

聖節元旦冬至迎接

詔旨及

啟聖祠

先師廟社稷山川春秋大祭

如親任救護迎春鄉飲賓興科貢載在義註無庸

封印禮除夕前一二日按官人及官員

中集僚屬同驗後行封印禮至元旦後一二日擇

吉旦開印前儀

禮禮九為民而禱晴雨之類各官人皆具常服

詣城隍廟拜

祭江河禮本縣官僚或應朝或陞任擇吉日具牲醴

香燭于羅旁水口具常服行祭禮如制

祀典

啟聖公祠

先師廟

名宦祠祀

德慶州知州張應鳳

西寧縣知縣朱元相

鄉賢祠

首發事郭子直送入廣州府學鄉賢祠

社稷壇在城西左曰社之神右曰稷之神

風雲雷雨山川壇在城南里許壇三位中為風雲雷

雨之神左為山川之神右為城隍之神

廟在縣內西前後二座左右有廟前有大門照

舊十七年知縣林致禮重修

墓塚在縣西文涌地

邑壇在城西

天妃宮在城東北前後二座

五年縣志 卷之四
玄帝閣在城東前後二座萬曆十八年以其地起矣
將府遷于北城

長春寺知縣林致禮捐俸重修

土地祠在縣大門內左

龐公祠在城內東北前後二座左右廂房前有大門

照牆萬曆十八年建

論曰先王之制禮也非以強世而崇賁飾也緣情
定禮依性作儀是故王朝之禮廢則削讓之罰彰
矣尊師之禮廢則簡傲之罪多矣甲神之禮廢

巫覡之邪恣矣鄉飲酒之禮廢則爭鬪之獄煩矣
宰固新治哉於大禮祀禮有其舉之即功在社稷
賢重鄉評者靡不俎豆而尸祝禮教彬彬稱盛與
中州峙矣然鄉飲之禮所以尊高年而優有德也
狗情濫及謂國典何又胡以風區宇而示之勸也
意憲令昭昭尚慎之哉尚慎之哉

寧縣秩官志卷之五

嘗謂貪夫殉財烈士殉名蓋各適其適矣吾邑利
大小無慮數十有廉有鄙令以下至于流外孰非
庸于國者無令曰子實民養而殘民以逞乎賈庸
播耕主人費家而美食調布而求易錢固祈深耕
熟耘也庸客致力而疾耕盡巧而正畦陌亦美食
錢而使也毀其防而殘苗是庸受直而螟蛉報德
也狐丘之盜譽之見悅盜之則怒何則彼固駸戾
永嘗不怛怛負此敢也守節盡職而不旌獎何以

示勸恣行不軌豐肉渝衣徒叨爵位無所建明止
貪冒之夫也余列職名稍著其行事亦當世得失
之林胡敢妄為之說志秩官

歷官

知縣

朱寬

桂林人舉人萬曆五年任事見名宦

郭良楫

臨桂人舉人萬曆七年任聞丁憂歸

吳道遠

賓州人舉人萬曆九年任陞萬州

林致禮

上思州人舉人萬曆十四年任

縣丞

范彬

會稽人監生萬曆六年任丁父憂回

毛文體

富川人歲貢萬曆八年任奉裁革起節

王簿

竇榮

建寧人知印萬曆六年任不謹去

高文秀 繁昌人吏員萬曆八年任告休

何敦福 清人吏員萬曆十二年任陞淮府工正

支大烈 嘉善人監生萬曆十七年任

典史

江文明 歙縣人承差萬曆六年任

楊默 同安人吏員萬曆七年任

鄧一鳴 淮陽人運貢萬曆拾年任在銀江府判

方大復 臨桂人舉人萬曆拾陸年任事故

湛泉 南安人運貢萬曆拾壹年任

蘇至卿 南五人運貢萬曆拾陸年任陞滬江府通判

陳應期 昆山人舉人萬曆肆拾年任

鄧全規 全州人舉人萬曆肆拾貳年任

蔣守春 全州人舉人萬曆肆拾伍年任丁憂歸

卜二南 秀水人舉人萬曆肆拾柒年任降簡較

吳國藩 淮陽人舉人天啓貳年任

王之寵

東沅人選貢天啓五年任陸襄府審理

祁玄兆

桐鄉人歲貢崇禎叁年任

謝天申

蘄水人舉人崇禎柒年任

巡檢

都城鄉巡檢司

葉鎮 襄陽人吏員萬曆八年任在任身故

吳宗時 龍溪人吏員萬曆十年任奉文筆職

李廷訥 全州人吏員萬曆十四年任任滿起送

潘思餘 姚人吏員萬曆十八年任

懷鄉巡檢司

顏可揚

澄海人吏員萬曆十九年任

名宦

劉元相者廣西全州人舉孝廉為高涼貳夙著才

識萬曆丙子羅旁始平督撫凌洪山公議建

門函口南鄉富霖四所以翼新邑其地皆萬山

叢瘴中函口為最檄下諸道有司議難其人者

首舉元相公曰得之矣元相被命馳往不踰月

版築皆具時叅將楊照劄守其中以狂病卒兵

士疫死者半稱為髑骸淵藪代楊者黃允中也

談虎色變議遷叢言盈庭元相挺爭曰函口西

接大尚南引高涼為殘獠交道無函口是無西

山也人臣為國當事奚身為叅帥不肯居某顧

居之黃議誰沮而臺重加之請加四品服又請
補為南韶道不報元相亦以積勞病乞歸及閔
而卒

張應鳳撫州臨川人亦以孝廉守德慶以廉能稱
未期年委城封閉維時雨恒若應鳳度原既定
豫誅茅作屋其上民無沐雨而工日就緒故受
命雖後考成獨先凌公叙議加四品服蓋憫其
勞而加其速也百爾工費皆有籍掌所裁省尤
多後數年各有所稱繕者而封門獨屹然如故

其... 徵... 如此... 五日而病...

觀北旋行李蕭然迄今士民猶有語張知州云
泣者

朱寬廣西桂林人先知三水縣兩臺廉其有治劇
才疏調西寧新邑凡築城度地分田制里斬剗
棘驅狐狸皆其身所經歷且政寬和撫招新附
可謂創始元功矣屢登薦剗擢地官主政未去
任以瘴疾道卒其子甫九歲扶襯還
未幾亦卒嗟嗟傷哉三人同時勤事缺掌捐軀

詢及西民無不扼拏稱嘆萬曆十三具其事白

兩臺祀西寧名宦

論曰四岳堯遜之位明德可知十二牧即不逮稷
契暨齊亮工之臣自九官垂誥有讓外此無名者
畧其官師第志善類亦或言上古書
文省約邑宜詳郡故表官秩全不得而違也邈觀
開邑功臣劉元相張應鳳未寬之三臣者賢勞
山元相折黃叅帥於盈庭風霜並烈應鳳執役
敏以能任事未寬經畫無鉅細皆寬之力恨身不

能正終且及妻孥顛覆天之報施何如哉然生未
榮號沒而尸祝亦庶幾鄭僑朱邑之遺風矣善乎
翁大夫之言曰天道象耶其猶張弓德報遠耶

卷五終

西寧縣人物志卷之六

豪傑不著名於圖書不錄功於傳記乎虛空

虛有數哉韓非之言也夫史文以七尺軀蒙天

而履后土豈徒林林總總多矣哉林林本固將骨

朽名存如散物雲爾古今雜書百篇之篇有

傳有不傳者此其大而朽過小而朽連連之數

莫之乎奪是故太上立德次立功立言猶不能以

無朽三者不立故以竊虛名於來世者多謂不如

虛朽之愈也昔也西寧山川首尾處處關人史著

卷五終

西華縣人物志卷之六

高傑不著名於圖書本錄功於德蓋紀年之虛空
虛有數哉韓非之言也夫史文以七尺維載皇天
而履后土豈徒林林總總華春種於坤本固將骨
朽名存如叔豹云爾古今錄藝百集書藝之篇有
傳有不傳者此其大而朽過小而朽速遲速之數
莫之于奪是故太上立德次立功立言猶不能以
無朽三者不立欲以竊虛名於末世君子謂不如
速朽之愈也晉書西華山川奇麗風氣關人美著

儒林自烈行將克溢編簡未盡竹書中雖清淑之
氣未於國而洪發養惟在進士得人者加之意耳

通志人物

進士

元朝

陳元崧 係都城人見德慶志

國朝

周興 南海人立籍西寧萬曆戊子科開科

歲貢

杜英 德慶人 割籍西寧萬曆十三年

許澹 德慶人 割籍西寧萬曆十五年

黃懋 增城人 改學西寧萬曆十七年

陳欽 東莞人 立籍西寧萬曆十九年

鄉賢

李熙 載字伯光 都城人 穎悟博學 元豐八年進士
元符間擢廣西路計度轉運使 改嚴懋著賜勅
褒諭官至朝請大夫 鄉人稱為李夫子

梁畿 都城人 咸淳間登第 官至朝請大夫 終於任
歸壘羅旁九牛山 封誥猶存

談文炳 都城人 景定五年進士官至思州路同知
陳謹 都城人 以易學名 會選克貢中特科 仕有能
嚴歷韶潮二州官 至通直郎 以上見羅定志

龐嵩南海人穎悟異常甲午舉于鄉計偕南旋即入羅浮山中下帷奮勵遠近從遊者甚衆計畧分經講授士以文學顯者多出其門屢試南宮不偶甲辰謁選應天府通判己酉晉本府治中辛亥晉北部山東司郎中丙辰擢守雲南曲靖知府服官歷著賢聲儼為南國之尸祝居家雅多善行共推東海之儀刑當羅旁剗平之時當道延致而下居以鼓民志編戶綏晉而講學以倡士風奉命政學生員杜英談仕才朱淳王

柄許蟾等及新進生員倫在孝朱昌期黎兆慶梁伯鸞岑世恭胡盛傳鄒偉朱潤闕要胡天錫張文光區見龍彭應奇鄧宗善吳堯臣盧象熊等二十五人日從龐公講論一時興起斯文于嵩始矣昔韓文公為潮州守延趙德為師至今潮之教彬彬與中州上國並蓋自韓公始今日之西寧不為昔日之潮陽乎其賢若此嵩二子長一夔次一德俱鄉進士蒙提學道郭子直送入廣州府鄉賢

武舉

梁時聘

李一芳

封川人 有官帶榮身 和 勅開河

張文燦

麥得霖

順德人 立籍西寧

梅應行

築城功完 居教子建祀祠 置義田 著家則二子在學

梁棟材

首選將才 擒斬多功 風濕病作 陸保不 及 為識者恨之

義勇陳應隆

羅定人 先保 種把總 後援例 禮部 帶儒士 征羅旁 獻策 轅門 議畫圖 策 統

義兵入哨 斬十二級 部功一百有奇 善 後安撫 關道路 拓鎮南 鄒其功最多

鄧百仁

高要人 陞 縣主簿 奉 晉 羅旁 紀功 獲十七級 子良臣 進 縣庠

冠帶把 總管 休崗 哨 斬 尚石卜 西寧 縣墓 有 扁石

孝行

李若絲 順德人 早孤 奉母至孝 及母喪 則號泣

三年後 遇母親 忌日 每慟哭 不食 曰 雖終身之

喪 未足以報罔 極恩 萬曆 伍年 來西寧 助工 築

城 一日 父忌 泣祭于 東門之外 足稱 大孝

校 終 于家

貞烈

國朝何老妹 都城民 嚴 妻 一子甫三歲 璋故老

妹 方年二十三 守志 不嫁 踰七十年 無異 議 嘉

靖三十九年 巡按 潘李 馴行 州以 粟帛 獎之 見

論曰古人名不及汲雖峻節言行或不著於春秋
田橫二客魯兩生秦二十七人下迄蒙袂餓夫被
裘樵者不知誰氏吾何如古人无網絕而維弛英
雄豪傑建號並起當其時大者蔽名天下小者蔽
名一邑西寧李杞載諸傳想其人生有榮位死有
顯名可謂俊傑之表表者李若絲則又可謂終身
慕父母者矣使諸士生于今其功名豈可勝道哉

卷陸終

西寧縣兵防志卷之七

昔有周盛際四方無虞九夷通道而召公告以張
皇六師周公告以詰爾戎兵二公豈道居以威武
哉蓋天下雖安忘戰必危則何可一日諱言兵也
寧方烽靖塵清整武而斤斤建官設所軍兵
寨列是未雨徹土先震我衆為萬世計久安之至
意然有言曰兵雖衆而不備閱與無兵同又曰兵
患不精不患不多此所養非所用所用非所養有
歟哉諱氏子言之也粵稽先零不煩饋運

而諸羌坐困李抱真奔籍召募而潞澤之師為天下最嗟嗟司甲冑者得若人焉何憂西寧哉作兵防

兵署

叅將府原設二所一在羅鏡岡一在函口所各正堂三間平皂房六間後為川堂耳房二間又後為後堂左右廂房二間前為儀門又前為大門萬曆十七年改遷于西寧縣治左正堂一座三間東西廂房二間川堂一座二廂後官房前後二座各五

前為儀門又前為大門東左前中軍廳後中軍館各一座門前東西二牌坊并照牆知縣林致禮督脩千戶朱鑾劉元威分理

管官

黃允中 處州衛指揮萬曆五年任遊擊

朱文達 金華府千戶萬曆七年任遊擊

葉歡 處州衛總旗萬曆九年任遊擊

李棟 吳武衛指揮萬曆十二年任遊擊

楊一經 紹興衛千戶萬曆十三年任遊擊

楊文

海門衛指揮萬曆十四年任遊擊

侯國弼

全州人萬曆十七年任叅將

沈尚文

太倉州人由武進士出身萬曆二十年任

封門守禦千戶所在西寧縣西北七十里萬曆五年

建城週三百一十九丈窩舖一十七間城堞五百

一十間東南樓一座敵樓四座

本所中為正堂前為大門後為寢堂各二間

廡各三間儀門一座十六年遷所于西寧縣

係三營把總統兵屯劄十九年被風雨傾圮

一百四十五丈千戶劉元威督工脩理

分司衙門一座

在所城東

屬壇在所城西

西寧縣新建封門千戶所中為正堂後為寢堂各三

間東西二廊各三間儀門大門照牆各一座知

林致禮總督指揮張韜千戶朱鑾劉元威韓賜

理

西華縣志 卷之七
吏目廳前後二座大門一座

旗纛廟在城內西

歷官

指揮僉事張宸

原瀧水所副千戶羅旁功陞萬曆八年改註本所

張韜

十四年襲宸職

王千戶張漢

原廣州右衛右所正千戶萬曆五年奉調本所

張檀

萬曆九年襲漢職

張文燦

萬曆十七年襲檀職

韓暘

襲父廣州右衛右所正千戶職萬曆十二年改調本所

副千戶朱鑾

原南海衛中所實授百戶羅旁功陞本衛副千戶萬曆八年改調封門所
漳屬不辭以真帥先軍伍始肯携巾負子充溢城郭職管十餘年軍士稱

快樂從

李林

原潮州衛左所百戶羅旁功陞萬曆八年改調本所

劉元威

龍門人由武功陞百戶萬曆八年改調到所九年功陞副千戶今陞正千戶

吳通 廣州左衛副千戶萬曆五年改註本所

朱騰輝 萬曆甲午襲鑾職

實授百戶高祚 廣州左衛右所萬曆五年奉調本所

陳一鳳 廣州左衛右所百戶萬曆五年奉調大所

陳豪蘭 襲父耿萬曆十一年任

胡兆龍 陽春守鎮衛後千戶所總旗羅旁功陞百戶萬曆八年改註到所

張其志 翁源人功陞潮州所百戶萬曆九年改註到所

胡國楨 浙江慶州府麗水縣人萬曆甲午任

鎮撫李穰 廣州左衛右所萬曆五年奉調本所

署試百戶江文志 廣州左衛右所萬曆五年奉調到所

冠帶總旗李釗 番禺縣人由軍生功陞廣州左衛右所萬曆五年奉調到所

張茂 萬曆十四年襲父其志耿尋以推避革襲

吏目

吳文

南靖人吏員萬曆七年任陞平樂府照磨

丁斯和

嘉善人吏員萬曆十四年任

楊舜廣

吳安人承差萬曆十七年任陞都勻倉

魏孟漢

編清人吏員萬曆十九年任

崔國材

直隸涇縣人由知印萬曆貳拾年任

優給舍人吳江

軍

屯軍一百一十五名

改編新伍旗軍六十一名

改調舊伍旗軍九十三名

函口守禦千戶所在封門所南一百二十里萬曆五年建城週三百八十二丈六尺角樓窩舖共二十六年間城垛六百個層樓四座東西南三門十六年遷于蒹溝驛同城其舊城係前營把總統安屯割十九兩傾城垣二丈五尺並城樓窩舖等處把總

黃應思 廣州右衛後所百戶 萬曆五年奉調到

試百戶林鳳鳴

廣州右衛後所百戶 萬曆五年奉調到所

蕭鳳岡

廣州右衛後所 萬曆五年奉調到所

賴邦禎

德慶所總旗 功陞萬曆九年奉調到所

冠帶總旗狄希唐

吏目

鄭嵩

金谿人 吏員萬曆九年任陞長壽主簿

馬思智

侯官人 承差萬曆十五年任陞新化吏

白紹倫

山陰人 吏員萬曆十八年任

旗軍

屯軍一百三十名

改編新伍旗軍四十九名

改調舊伍旗軍五十一名

夜護城萬曆十七年把總許應明督造週圍城垣六

十丈

公館一座

演武亭一座

營房九間

西寧縣守城民壯二百名奉議內撥十名送州差用

舖兵陸名

都城巡檢司弓兵二十四名

懷鄉巡檢司弓兵十名

防守地方官把總四員

旗牌官三員

哨官三十員

旗總六十員

隊長并高招手一百八十四名

散兵并雜役二千零二十二名

營堡

菴羅

黃泥

古蓬

思藥

大力

羅旁

車溶

封門所

雲稍

新樂

思慮

梅崗

車田

譚章

排阜

懷鄉

白石

分水嶺

函口所

扶合水尾

地方紀畧

秦始皇三十三年遣使置郡於南越平之

南海郡時羅旁為南海屬郡

二世元年遣使據南海郡舉兵絕道殺所置長吏

高帝元年佗自立為南越王

十一年遣陸賈封佗為南越王

高后五年春佗自稱南武帝

文帝元平禧八月遣大中大夫陸賈諭南越王

諸衣佗謝罪去帝號上書貢方物

武帝元鼎四年遣諫大夫終軍使南越說其王
令入朝北內諸侯

五年遣伏波將軍路博德樓船將軍楊僕等討南
粵冬十月滅之

唐高祖武德七年夏瀧州扶州獠作亂遣南尹州

督李光度等擊平之

玄宗開寶六年春正月瀧等州獠反命宦官楊

最討之

仁宗皇祐四年夏五月廣源蠻僊志高亂知州

巨與賊戰于黥門力屈死之

元主元十八年冬十一月德慶瀧水各山獠作亂

國朝

太祖高皇帝洪武元年冬季酋慕義來歸舉德慶瀧

水等州奉稟朝朔時以質為奉訓大夫中書省新

事

二十二年各山獠復叛朝命總兵率指揮劉倫等

討之時獠賊劉第三等聚眾擄掠具聞于

朝天討不容壯士奮激焚山破穴斬首數百級餘

黨率平

三十一年西山獯人盤窮觴箒復作亂命指揮王濬等討平之

文皇帝永樂五年獯首盤求用等向化奉貢以瀧民陳朶朶陳大奴等招之也後令回山復招計共七百有奇

六年石城縣吏馮原恭奉

勅招諭山獯趙第二等向化朝貢楠漆等物

廣皇帝正統十一年瀧水諸獯煽亂自是民田多為

所據招撫判官馮述與戰死之

十三年獯賊趙音旺等復糾合晉康逍遙山鳳廣山倡亂陷城大恣焚掠

景皇帝景泰四年都御史馬昂調兩廣官軍狼兵分為一道直抵賊巢斬首二千余級歲稍戢

慶皇帝夫順元年廣山死其子鳳弟吉偽稱鳳二將

軍招集各山獯賊劫掠鄉村攻破城邑殺指揮陳廣聚燒毀房屋搶掠牛羊不可勝紀巡撫都御史

葉盛調廣西大軍立營連灘督行都指揮胡英由

魚子水韓瑄由岑溪思慮新樂徐昇由鷄骨嶺韋俊由羅旁水口各斬菁通道並進夾攻生擒鳳弟吉等八十人斬殄三百四十五名以弟吉等十五名獻殄

京師地方始安

三年餘黨復熾

純皇帝成化二年都御史韓雍命同知黃浩再從招撫

人皇帝弘治四年灕水紅荳諸山賊亂都御史秦純

討平之招其餘黨

毅皇帝正德元年獍寇都城殺死千戶林熙高詳

餘千戶等十四年都城遭賊首鄭公厚封門驅仁

勇正賊首蒙公高聚衆於涼城虜男婦三千餘人

皇帝嘉靖元年軍門命官兵討賊平之

四年襲殺指揮李松州判陳珺於墟市殘毒厚民

占糧田二千餘頃村落為空

十二年都御史陶公諧命將討獍多從招宥

二十二年秋知州吳汝新奉軍門明文設策斬羅

旁賊四十余級生擒賊首鄧茅爛等三名械送
二十四年都御史張公岳兵師征封川縣歸仁文
德二鄉徭賊平之

今上萬曆四年以前四十余年昌厥彌甚魚肉鄉村
咸毒商領商岸生民居者... 帶行者命同朝
霞江漢之間野渡無人於是督撫殷公正茂疏數
青下凌公雲翼繼之大調廣西自兵父廣東各營士
浙兵十萬有奇統以司道總兵各遊并官分爲
均以内子仲冬入山賊明年... 四月班師討
擒及斬首及俘獲男婦四萬余人百年毒禍一朝
洗雪漏刃猶存狼心未釋

五年都門雲蕩賊首李宗貴沈文遠把總劉元威
親擒之斬首一十六顆

七年蚊子山賊首陸毛自稱身有龍毛能飛能渡
諸山猿獍信之翕然歸附聚衆千餘人攻劫思慮
營殺死哨官丁天祿等乘勝陷大傘營哨官張文
明死之又攻打燈心營放火毀公館進逼封門所
城被官兵擒斬一十八級毛漏刃潛遁

八年糾衆劫思慮一帶地方殺散耕民

十二年糾衆二千餘徒流劫函口黃沙寺處村寨
十四年糾黨三百餘徒復攻思慮營殺傷官二
十三名燒毀營房一十三處

十五年糾衆打劫函口大聖寨等處殺死居民一
十八命又攻思慮營被官兵擒斬九十六名毛懼
告招約把總陸芳隔河為盟自是地方獲寧

議勦

十六年鷄暴賊首盤本善趙宗連把總劉元威計

擒之

十八年毛又構通西酋潘積善越入東界捉擄無
氏占奪牛田議奉軍門劉公繼文宣諭陸毛赴官
投招姑准免死毛又抗令要取職官為質乃行叅
將侯國弼面授把總陳邦武哨官郭鸞吳必奇以
計擒之械送梟首以徇自是四境安寧行不持兵
矣

論曰城復之危日中之警聖人於泰豐屢致意焉
蓋指深矣愚聞稚酋上古所不臣迨至我

朝威德旁馳中外具肅猶然鼠伏為毒叛服靡常即
大兵絕忽入阻裒旅尚思揚鬣釜底則所謂恃吾
有以待之者詎能遽去而兵也有人焉精神容澤
起居飲食素稱無恙也乃因而廢衛生養形之言
越人倉公必挾鐵石而議其後何也則疆之不足
恃也今日之勢何以異此願兵以衛民而兵多或
至於病民食以資兵而食多未必歸兵得無重厯
當事者之憂哉

卷之終

縣志藝文志卷之八

君子所以載鴻筆而表事類微文比事而論山
而肖州木彰善癉惡若執執律而嚴步伐故文以
達意而主記以紀事為鵠不朽之規千載無爽矣
羅際昇平業勤文紀誅讀縣治記知吏政得失營
官記知文學興衰城隍記令人竦然脩善去思班
記不必召棠大都古之遺愛歷觀盛世文不虛美
不隱惡銓次隨其事或特書或大書或不一書蓋
疑信恭為吾西寧藝文槩括裁自明公故今日志

之篇釋庶幾為後日之龜鑑云耳志法雲文

建西寧縣治碑記

南海何維栢禮部尚書

廣在五嶺之南自堯宅南交帝德至青海隅周定藩服疆理至于南海此帝王裁成左石弘兼濟之仁以大一統之治王風既息霸跡幸興角立爭雄泄邇忘遠既不能經畧以貽長久之圖復爾玩愒釀成大懟始起而圖之干戈相尋忍戍生民之苦古今所扼腕而憤嘆者廣以獨遠疆理更踈濶部州遠隸自古昔典禮之物無異中州乃若

曠遠六郡邑又遠政令不加教靡及習尚悍陋如逸押之虎噬噬恣肆莫可底止羅旁蟠據千數百里世稱為盤瓠氏遺種頑獷喜鬪四方波賊鼓道剽掠舟途梗阻嶺西鄉落每罹荼毒所由來遠洪武初年申國鄧公鎮討平之自時厥後叛復不常屢陳聲討以負險固往往不大得意輒從撫處則又許謨靡定徒長玩心復滋蔓以遺後患萬曆丙子前督府殷公正茂疏上請勦尋代至督府陵公雲翼特承

新命集文武群吏禡師並進遂成盪平之績計畫善
後事宜首以建設州縣

朝廷下其議復同按院詹公貞吉監軍趙公可懷暨
集藩臬諸大夫體勘備當覆奏

上從之遂進隴水為羅定州東西各為縣東曰東安
西曰西寧西寧去州壹百陸拾里峯巒環護前聳
筆架後玉屏枕東連文軸西峙武倉二水決流可
通斗楫以達于江則有華表石以捍其所出地竟
寬平風氣融萃蓋天造地設以俟建創縣城周

百八十三丈高一丈九尺一水為城門

城樓者四角樓者三窩舖二十二墜子八百四

月七縣堂宇實宮號舍至于社學公館樵樓舖廨

莫不具備城隍山川社稷境內祀典必以法故經

始萬曆戊寅秋逾年己卯冬告成至于審度定式

分隸版圖計議土田控制譟總率武備以芟除未

盡遺孽芳萊安集以裕經久良圖則令督府劉公

堯誨按院龔公懋賢今梅公淳與守道蔡公汝賢

今張公明正巡道徐公時可兵道徐公汝陽今侯

公應爵至于州守胡公相前令朱公寬僉謀大同
于是居有定宇業有定產士有定向政令旁達山
川改觀四境老稚莫不舉手加額願受屢為編民
相率伏州庭叩曰衆等自先世老死崖谷不見天
日幸今牧于邑數千百里乃始此睹願君侯圖求
之胡君喜集羣士議謂宜托名言昭盛美以垂不
朽詎日肅書幣介總戎陳君璘專官尊聽言于古
杯何子而胡君語意更懇至古林子覽書而嘆
信弭盜安民之術貴疆理之有道也自昔體國

野衆運都邑大者百餘里其次方六七十里如五六
十莫不設官以長之則地分而職專政治易周繼
隱易達淑慝易辨休戚維繫良法美意可朝發而
夕至蓋言順也昔人謂治廣以狹觀今西寧可類
推矣牧茲土者殫心懷柔因其俗宜而順導之簡
而賦稅而率育之踈其節目而悅安之則人人知
有生之樂日興其親上使長之心何變之敢生又
端睦佐率百爾同事文武上下協德和衷則何憂
乎外侮慎內治之脩以豫未然之防樹茲邑之勝

五年通志 卷之八
以廣經理之畧俾然遐閭味得耀于光明仰翊
中興之明時弼成一統之盛治是諸君子謹記以俟
萬曆玖年辛巳季春吉旦立

縣儒學碑記

南海霍與瑕

按察司僉事

古之建邦啟土者必有鴻材駿彥揚武烈以拓疆
宇必有碩德徽猷展文教以綏士風八代之興皆
由斯軌我嶺海自何真捧版圖歸

國貳百餘年數名文物媲美中州蓋自陶唐命義叔
宅南交以來未有若斯之盛者乃若瀧水羅旁之
地東山環亘千里則由鴻荒迄今為渾沌之區正
統成化年間雅人居之其始猶自耕自食既而浪
賊投入誘之劫掠遂為盜藪雖以總制韓公之威

二廣陶公之畧屢加征勦竟不能平萬曆初年
憲見羅李公材博訪民情達之軍門石汀殷公以
羅旁可平狀上疏議征洋山凌公繼為總制復上
之報可集兵勦之渠魁殘醜蒐薙靡遺遂議津州
設縣以緩荒裔分疆畫界以奠山川築城置堡以
固封域於是以東山為東安西山為西寧西寧之
有縣實一開闢之初也尋議建學時承田之家子
弟之後學者雲蒸霧集風溼然有絃誦之聲洋山
公喜之上疏以為一方間氣久儲未洩必有

士出於其間請破格廣收人才以充作養參
取進學視大邑加倍萬曆七年取入西寧者二十
五人與諸政學生員共伍十餘人春秋文廟釋菜
之禮彬彬備矣初議學址于今縣治建縣治于右
山之巔以新城人稀地廣不便於守迺截右山出
城移縣治於學址啟議建學於城東南隅右逼前
隘後泄低窪鄉之士夫乃與洋山公言之洋山甚
以為然遂定學址於縣治之右前對筆架峯東接
文筆峯左為文德山右為武功山後為玉枕山城

外為文昌江江水口為文昌橋形勢之最勝淑氣之攸鍾也學之制中為文廟東西有廡前為儀門又前為櫺星門儀門左為名宦祠右為鄉賢祠文廟之右為啟聖公祠左為五箴亭櫺星門之東為儒學門文廟之後為明倫堂左為掌教衙右為分教衙學建於萬山之中功成於葺創之日而規模宏偉矣祀往聖之大典陳廟謨之宏猷來學之大方敷文教之大猷輯要荒之大畧與百世執事之大勞是不可以無記記曰學之建卜吉於戊寅

年冬月告成於庚辰年冬月廟之高貳丈叁尺伍寸深叁丈貳尺學之廣東西十六丈貳尺深南北二十八丈貳尺惟時建學育材者洋山名雲翼丹掃除氛彌請彌謚俾人士涉萬山如行庠除者今總制凝齋劉公名堯誨經營巡閱加惠佐興則大叅漸江張公明正竹峯徐公時可僉憲帶山侯公應爵考送生儒樂育成就則督學憲副鶴峯孫公綜時加省視督工經費則州守胡侯相經畫規制料理支費則創始朱尹寬嗣督綜理則繼任郭尹

良楫兩董其事。迄成偉觀。則德慶州梓林君應鍾朝夕共事。以督工。租則邑博雷伸。後至邑丞毛文體。典簿高文秀。皆協心贊助。樂觀厥成者也。若夫卜基選勝。辨方正位。則鄉耄龐太守。高蓋與有力云。近世異學亂真。清時厲禁。則游斯學者。其一以鄒魯為宗語。孟為歸耶。語曰。夫子之道。忠恕而已矣。孟子曰。堯舜之道。孝弟而已矣。記斯四者。以淑諸人。以傳諸後。是所謂心學也。

萬曆玖年辛巳二月吉旦立

西寧縣重修城垣記

山陰王泮

西寧新邑也。即西山大崗。侏儒盤據之穴窟也。萬曆之七載。寇發討平。為善後策。始縣之當是時。經畧諸臣。急在建官。阜民以靖疆宇。遂剪荆棘。夷險仄。即其地城之。而大軍之浚。官帑告絀。城之築費。無所出取。諸受屬者。力率些窳。非遠圖蓋。章創為權宜之計。云萬曆丙戌。霖雨為滂。橫潰四溢。城頽圯。殆盡。臬憲某。堦鄭公奉

書。書鎮茲土。目擊心惟。長慮却顧。檄下州判官李學

詩興尹林致禮宣諭德意以公帑充費以兵力代
民伐石於山陶埴於野勞謝蒸土燬絕寘新雉堞
樓舖周遭延廣凡叁百捌拾叁丈高壹丈玖尺厚
拾尺其規模基址一仍舊貫經始於是年九月至
明年三月訖工而言言佗佗堅完整飭什百於前
矣夫善作者貴善成兩者相待而後貽斯世無窮
之利方其地之未平也重在地故東西有邑既而
思以為民衛也重在民故邑有城今而未兩網繆
重在守也故城垣脩焉諸公平定之初筭路籃

以拓下毛屨勞孔著鄭公績而金湯之無隱焉

俾新附之衆廛輶止以休養生息于其間而牧茲

邑者亦得專事民功無竈突宵觸之虞可不謂善

作善成而功茂創始哉在昔有周定都遷民洛邑

篤終番後倦倦惟姬公是賴今之新附昔之頑民

也而公宣威布德以綏奠此疆蒼赤憑依迄無危

墊視東郊衮衣之烈蓋有加焉公之身屹然一長

城也獨城西寧也乎彼觀朝宗者嘆明德享乃粒

者頌思文畏壘之民不忘庚桑欲尸祝之它日羅

定胡能護公也余兵備嶺外前箸寡籌賴今之保障以無它恐是惟一邑之人幸餘顧竊榮藉焉敬操筆而為之記公諱人達字克漸起家辛未進士以僉憲來閩人

萬曆丁亥春三月記

寧縣重修城垣記

晉安鄭人書

寧邑城于萬曆丙子何宗伯記詳矣茲何脩潦水圯也邑介岑藤六十三山狐狸之與鄰宜脩適前令以遷行西帥以病去城之圯也無幾存脩宜亟以宜脩且宜亟也即鴻鴈哀鳴我心孔勞不能不役于是以判官李學詩始其事新尹林致禮至實協成之未幾代帥楊君文繼至外鄙不聳梓人成功先是經斯土者承大事後靳速就未暇遠圖迄不免一役兩舉為後事師余是教無慮數十下而

躬視之再三寧堅而遲毋速而腐戒前車也吏勤
工譖六閱月而事竣總其費工五百有奇皆民脂
哉嗟嗟城以衛邑邑以長令令以衛民而受其庸
之什一今使民出力以庸之城之又罷民以完之
令將吾民何夫民猶水也水以養物亦以噬城墮
隄惟民亦然譖治水者順其性善理民者若其生
民若其生即鶉居猶可不者金湯重饗奚裨焉春
秋九用民必書後世乃有記余好左氏故舉民力
之勤與典城之賤以告令若曰使人謂子實生

毋謂浚我以生也庶幾哉稱天子長城云

萬曆丁亥春三月記

東正州記

儒學王光

西寧舊號隩區重巒複嶂蒼蔚連雲銅章使者節

奉

勅之柰猶養養盡日煙火蕭條丙戌歲我會泉

林侯被

簡茲牧甫駐節即觸目抱痛百廢序舉如遺額為患

則墾荒餘以給補如子弟未教則申社學以譽髦

厚墉浚壑脩寺鼎廟置府設所審權定量輪奐民

居創列商市其他崇勳駿烈縷縷不可殫狀大都

皆痼瘼真念匪粉飾彌文也縣郭東西外延環數
十里悉童涸不毛間則叢翳蔽空雖業分給登版
然鉏耰者委之智窮力困即司牧者亦付之勢無
如何蕪穢逋負連年莫支我

林侯猶勞往來愴然悲心作而長嘆曰民非謀始
者也因利而利則蒙利者趨可勞而勞則忘勞者
至責壞而程功期則不曠地且夕焦思鳩工授畧
相源瀾因地宜鑿山通流綠畝導流倘所稱隨刊
胼胝之勞曾不如此嗟嗟良苦心哉以故不數

月山澗出泉混混長注逶郭東西數十里許一旦
雲雨不施常蒙優渥童涸於焉而沮洳叢翳於焉
而膏壤曠土荒丘盡為利藪衢謠何莫巷歌兩岐
樂利風傳襁負霧集肆今農桑被畝鷄犬散聞鬱
然富庶頽成大觀矣嗟夫觀河洛者思功享粒食
者思德西土水利之興者誰耶粒食之傳者誰耶
銖毫皆侯賜也西民之含齒束髮迄千百年之未
生未形者其飲功繹德吾不知其視古昔又何如
也喜為之記以俟後之思所自者

萬曆十八年孟秋吉旦立

封門所碑記

知縣林致禮

歲強圉赤奮若司馬中丞以羅旁軍功獻

聖天子曰都厥績茂哉下其議于天官氏開州拓縣
分為東西兩山於是西有西寧縣治又求所以備
禦保安之策設封門函口二所隸焉吏茲土者悉
以薦莽狐兔之後勞瘁獨多往往稱難而不樂為
起開疆啟土之後勞瘁耗而無所轉移噫此擇官
而仕擇地而施豈殉國忘家者儔哉士君子當荒

番之境處動勦旁午之秋法難膠柱知時急務責
在治人矧為國謀者雖難亦易為身謀者雖易亦
難奚容以稱難辭也昔陶侃守廣朝暮運甕神禹
滌川陂澤不憚胼胝彼先哲往聖豈不知有身顧
汲汲以試諸艱哉其所謀者遠而所貽者大也丙
戌穩余受命來令是邑邑之廢置最急觸目動心
扼腕歎歎者久之居無何姑置司馬勦首勿論至
于田間水道旱澇相仍首編氓苦者亟謀諸當道
開圳普利利之越丁亥穩田野闢矣民事舉矣其

以相肯矣近郊之民忻忻若有喜色余

惟寧雜踵淫獍少有不逞輒乘間竊發為守
土憂諸所寄附類多駟獍伎倆之夫兼之介冑
陳並處未可謂無爭之邑也原所建在邑之西南
白片地相去頗遠声息衛護遽難卒應矧臨谷正
山冒瘴衝嵐久為官軍苦藉令不遺一鏃不費一
緡號稱無事紛更恐非萬全計社稷謀也余不佞
不敢以難辭條陳 當道轉詳

撫

題請并封豕二所而遷之豕遷近州數十里封遷在
縣城之西隅儒學右實與縣治並峙庭堂門廡次
第畢舉所官衙舍計十一棟旗軍營屋計三百間
頓築基址磚瓦木植灰料人工等項共動官銀壹
千貳百壹拾壹兩叁錢捌分令不須歲積日久遂
至功落成登城四望軍民稠森然煥然視中州
治無多讓豈五百里與也軍制三土完我法
郭使然非偶者耶所之官軍屬而樂安堵諸
公請記余謂記者何謂也豕且未悉其意也

千古不磨義也諸君得其所以記視國猶家以
謀國民社終焉允賴雖累言記之而不足若使曰
危就安竊祿從事地方無所裨益雖數言記之亦
有餘歎焉若君其竊祿者流浚裔且振振干城日
起寧邑其永賴有孚矣曷容以無記也是舉也謀
於則先任嶺西兵巡帶管羅定道事積齋王公專
任主成則今兵備羅定道瞻岳陳上承順竭力
幹濟則余肯也已先盟諸心也分管提理揮使張
君韜千兵朱君鑾劉君元威韓君暘逮及百兵掌

目亦任其事夙夜賢勞代支糧食則學博王君光
信代管捕務督率鄉夫則巡宰李君廷訥皆一時
文武盛際所謂賢于百萬相與有成者非耶宜勒
石以記遂為之記

開路記

萬曆庚寅歲西山開路告成鄉長陳尚禮里排梅
應行羽楚黃萬成孫用謀等問言於余以紀最績
余曰當筆者之賢達

稔勤旂尚矣余何容言夫西山自萬曆四年仗
天子威靈業蕩夷風梗頽叢翳蔽日峻嶺連雲車
輦徒御往還十餘襍厘厘通一蹇徑跋坑谷若蹈
陷阱陸絕嶠若登九霄嗚呼危乎西道難迨萬曆
戊子春臬副瞻嶽陳公叅戎西山德源侯公奉

鹽書鎮撫其地時觀風馬彼狙在目孔勞厥心迺誥
謀酌畫兩臺部使者咸善其議遂集官分猷授之
成算西寧邑長林侯致禮總理厥務焦思經度勤
勞兵役時飽饑廩領左營兵事封門所正千戶劉
元威身先率下枕山棲谷鋟厲不辭寒暑不倦以
故上撫之思下忘其勞競力督勸如繕私役罔費
公節靡遺心力雨兩其而事竣舊路自羅旁口直
抵紅災東營止長計二萬一十餘丈闊計一丈三
尺新路自黃五口起至六迪後營長計四千四百

餘丈闊計一丈三尺兩傍林木二三十丈

茂草叢生向之卑者高者填築疏鑿之倏爾坦蕩

平竟矧四面通達八極若在指顧中所履所視

之心矣又於兩路總區建置社學延師儒其間陶

異類以文學燈火書聲徹遍山谷於百步巔平於

耳泉井而鑿之碑令行者動甘棠之想嗟嗟厥績

豈淺鮮哉然余竊竊私慶焉自昔木拔道通昆夷

息兩山長菁邃谷澶漫數百里一旦如砥如矢

回要所營屯星布千萬年後可長保無聚嘯矣

茲路也豈直士民景行迺

國家之長城哉是為之記

西山大路記

秦

大憲副瞻岳陳公備兵羅定新開西山大路

山營總許子應明輦介幣屬筆於余以求記余知

稔且為地方之幸深歆辭不可於是乎援筆

言曰偉哉陳公之功也羅旁地方為狴蠻巢穴所

自來驚矣世數弗可詳矣萬曆丙子大狂蕩平開

創善後其道路只以羅定州為總會自州而南則

由羅鏡岡轉入亟口懷鄉以通夫高涼自州而北

則循小河透出大江以接夫壽康東西二縣南封

二所雖各有路達通然皆崇岡疊嶂之所峙也叢菁茂樹之所陰也蛇虺所蟠鼯鼯所遊介然用間則塞矣隔離天日往來為艱然在東安猶易聯屬而西寧則又有定康感化從善信豐四都皆自信宜茂名分割介廣右岑溪之間接連七山六三山之險峻莽莽壟者歲有殺越剽燬者橫行以故四者雖號編氓而足跡無繇至縣庭今逾一紀于茲余前清兵鄭慕塘公酌議志闢諸猥屢沮功莫能施時以初輯姑置弗問公於戊子復任廉知回

作難為狀按圖而觀唱然嘆曰此天是非所

口治理也夫遠邇之勢猶人一身治身者必血氣流通然後手足運動而無痿痺之不仁治民者必遠邇流通然後上下情達而無奸究之隔閡今新民之不通于縣猶手足之不屬於已失今不治得無蹇痼乎乃謀諸大叅戎侯德源公力伸前議公請於制府而下檄授州大夫潘君任紳邑令尹林君致禮綜理其事分委許子應明忻然舉作即號召所部兵民相地分程計日課功披荆斬木芟

險就夷即詩所稱作屏就平不加於此矣乃頑犍
未諒懷保之規陰行沮撓之計伐樹埋莖伏鎗設
魁衆受慘毒重懷疑沮公復奮然作曰嗟夫是非
所以言任事也夫非常之原黎民懼焉及臻厥成
天下晏如人情難與慮始大率然也今撫犍既稱
嚮化乃頑梗猶然若是毋亦以陰道驚疑故令反
側而遣許子應明深入其窟以示

朝廷威德諸犍警悟相率脫隊於是貧民得偕作而
硬途遂成大道資賄無所壅蔽而曖昧獲耀光明

即頌所稱岐有夷之仁不烈於世之仁以東
者歌耕者樂窵者伸輸者赴商賈懋遷以化居官
府往來以巡省深豁絕尚久外天日之民習見漢
官威儀而欣欣鼓舞若更生諸犍在撫治者心如
其而不敢越志以啟釁在鄰封者畏威歛跡不敢
越界而為盜九有舉動朝發則朝聞稍有邪謀夕
發則夕撲官政下達民情上通踈迹不閉襁負日
來數百年虎嘯兔窟之域一旦轉而為平平蕩蕩
之區我公開闢之功誠萬世賴也昔禹抑洪水而

天下平姬公驅戎狄而百姓寧自古

大聖賢作用固非瑣尾齷齪拘牽故常者所可望藩
籬也然為是者有本出是者有源公自做秀才時
毅然以天下為己任百姓痼瘡切於身故於治理
計之熟惟於治理計之熟故於任事果之決彼因
循者莫為其福始退畏者重慮夫禍端又何以成
不世之功如此耶語曰有非常之人然後有非常
之事有非常之事然後有非常之功言非常之功
必非常之人乃能建也以公驗之信然餘無庸若

以清志史者知公之績為不在抑洪水

下如此也暗起自維帶口由西寧封門

以文計者凡三五萬有奇自懷

到西寧羅定亦三萬八千餘又自直

三五萬難以大計者凡八千有奇自

通西寧亦不下八千餘其橫若潤則隨地

險易而俱不離夫丈之上下經始於己丑年告

於辛卯年其東山中路則各有紀者故不敢備

公諱文衡江右鄱陽人以戊辰進士遷御名履上
官茲以奏最陸注湖廣大參云

西寧縣懷鄉喜泉井記

主簿 文六列

按古輿地圖及次傳記所載懷鄉寇賊淵藪也其
所當深入喋血而蹂躪者不可勝數萬曆丁丑秋
西臺交章論奏

聖天子赫然震怒檄天下諸名將及所故稱敢戰之
士勦而絕之斯時也山嶺崇峻岬蟻蟻蟻蟻禽繁
殖曠然一虛丘爾

當事者為之設城池建公館創置郵規模鉅巨肇
造然民獯雜處版服靡定其獷悍之遺猶舊也戊

子春

兵憲陳侯 州尊潘侯 稔知懷鄉壤接高梧距州
縣各五百里許山徑巉巖道里遼絕政化難及率
西寧邑林公致禮親納大麓相原隰擇其地之坦
夷矢直者悉闢而新之由是士民商旅之趨州邑
者不憚其遠而步履若康莊焉又慮土廣人稀變
起不測每五里設營寨繕戍守又五十度其地之
可聚商民若遺遙夜護六迪等寨咸設公館城池
統之以把總每歲春秋時巡歷其地而察民風焉

樞機周密防衛謹嚴由是向之喋血蹂躪而猾亂
我中夏者皆翕然畏服遠道之不暇而無復有解
腕於其間者矣嗚呼奮之功亦盛矣哉然而未已
也知懷鄉地僻而遙向之官守特建議徙開陽巡
司於茲土而嚴其巡緝白諸
當道當道可之奏諸

朝廷朝廷都而俞之即

賜新墾設司官時舍宇未建 命西寧縣主簿文大
烈鳩工聚材起而築之由是公署居其中左巡司

右驛傳規模宏遠煥然一新誠可為億萬年無疆
之休矣猗歟盛哉城之內去溪澗遠甚官民日用
之水皆取諸池塘穢濁不堪人咸病之支大烈於
司之左鑿一井焉名曰喜泉喜者何以其泉井而
可喜也時

州尊潘公巡歷是地汲其泉果井而可喜命大烈
瀟而深之偶值源泉無俟於漢耿公之再拜而其
流湧出取之不竭凡四方商旅之經於斯者飲而
井之咸欣欣然有喜色而相告曰茲泉誠可喜矣

非

陳公功德入人之深州縣長澤潤生民之力曷
致是哉遂建亭勒碑文以紀成績云

旨

萬曆辛卯歲春工正月吉旦立

古跡

萬曆五年建明倫堂掘出古鐘一口上銘大元國廣東道德廟路端溪縣拾捌都李社長鑄鐘一口于玄壽堂大元至治叁年建今懸長春寺觀此則羅旁必端溪舊治也

寧縣典學書院記

知縣謝天申

甲戌仲秋余奉

命尹西寧西寧向號西山大崗監瓠氏遺種據處之區也上自秦漢下逮

朝皆以不臣置之未入版圖後且孺孺蠢動漸至躑躅跳梁犯順以逞

崩五襖舉兵大征始蕩平群醜開闢為縣幅墳南北八百餘里東西百三十里編氓六千戶有奇地廣而人稀山多而田少草木之所蒨葭蔽翳狐虺

鹿豕豺虎之所穿窬寢伏者十去八九壤與西粵
隣中有七山有六十三山徭族尚逼處此去沒剽
劫不測往往為患害於邑中自開關迄今不下六
十年其俗椎朴其習固陋其民軍兵襍處喜爭而
好鬪其士搆之他邑得售則去青衿落落如晨星
余甫下車徘徊四顧觀其山巒叢叢林然有伏莽
弁陵之懼焉觀其里閭蕭條愁然有鴻鴈流離之
悲焉觀其膠庠閨冢衣冠寂寞隱然有聖學衰微
王道湮沒之慮焉即思所以拯之而勢有不可

行時有不可遽得者用是朝乾夕惕殫心拮据歷
朞兩閩訟衰息囹圄空虛謀閑而不興盜竊亂賊
而不作加以兩陽時年穀熟倉箱委積滿問里庶
幾與民嬉遊作息相安無事矣夫家殷人足而揖
讓之象不著絃誦之聲不聞非所以昭至治也訟
息民安而道德文章之化不施孝弟忠信之教不
立亦長吏之羞也乃捐貲構室榜曰典學書院率
吾民揖讓絃誦其中相與著義考信講讓刑仁使
君子入焉而有道德文章之樂小人入焉而有孝

弟忠信孝思雖不能希蹤上理然於樵朴固陋之
習俗未必無小補云是役也初始於乙亥仲冬告
成於丙子孟秋地卜於東關外民廬之末築土為
臺臺高五尺許室不過三重中為堂後為房前為
門門外有古榕一株枝葉扶疎四垂陰可覆數畝
又有清流澄溪迴環映帶蒼峰翠巘拱揖秀峙更
覺一種幽致澹宕親人信可樂也因紀其事並賦
詩一章以詠之其詩曰

山城無事學絃歌小院新開別趣多高檝叢陰
翠幙迴溪漱韻溜清波看山有意雲為伴近市無
爭鳥自過願與吾民同鼓腹南薰一曲四郊和

羅鏡岡却事二首

薛人遠命平

群峯攢若戟一岡如鑑平原空射虎跡谷遍鴈鳩
戲野汲繁為茗山炊藿作羹隔籬亂黃犢何事散
觀兵

峻坂嗟行役平岡豁此情竹橋分石瀨村杵落日
行人作殊方語風猶太古紙顧儂事耕鑿山深足

遊名

以山口適朱存敵大叅至自高涼折柬招之

可說窮崖不到春
蔡人今始即吾人
關封丞谷對
應避令借中牟雉亦馴鳥道連雲天入蜀桃峯流
水路迷秦相逢徼外無多事且共投壺學漢遵

前面筆峯

教諭王大謨

嶂南參列突奇峰
對待由來奠化工
虹見却疑丹
管架露飛偏似墨
花溶連翻雲影
聯峯鳥錯落
星輝掛燭耀倍信
兩儀多間氣
三眉彷彿畫圖中

後枕玉屏

千億年前原地設
寧城創造始成金
鰲特起懸

頂玉疊飛來鎮玉屏
恬目小天煙帶雨開

錦拖旌乾坤霧鎖鐘
靈昧世人聚德星

左輔文德

天地何心分布置
龍蟠文水偉文踪
護屏端拱舒
長揖縮嶂將來斂
遜容勢接崔巍微
德厚望田莘
表挹文崇古云人傑
先

右弼武功

輿誌稱雄推廣武
功虎踞右而寧
日含壘嶂披
鱗甲風鼓鬐林振
峭鈴列戟
雪雨歸操縱投鞭
泉

下任調停兵威賴有山陵赫指日凌烟勒鼎銘

題鬻官景

庠生朱淳

園門濟士衣冠日麗光涵冲影間藏豹霧中山
萃律卧龍溪上水潺湲封境喜慶井茶吏鳴玉千
峯見漢官從此宮墻翹畫壁五雲祥彩是長安

寓西寧郎事

庠生倫應祥

百粵春風拂絳紗關河四顧盡官家孤城曉瘴開
紅日萬嶺蒼松掃紫霞渤海州中叱劍犢武陵溪
畔釣蝗暇何人晨飯噀歸後又向東門學種瓜

文德

武舉梅焦

巍然突出廣之東來自崑崙地脉同華表月明猿
嘯靜岐陽天霽鳳鳴嘯道宗鄒魯千稔月雄鎮金
城萬里風寶鼎 聖朝端有賴五雲排闥護飛龍
封門所工成賀雲臺朱千兵 庠生袁日華
漢室雲臺將誰如朱祐功名家簪組寶實匣劍光
雄開府新油幕森籌舊總戎衙成非獨慶萬戶頽
旂幟

喜朱邑侯新任

庠生黎兆慶

明府登車氣象新
澄清山海不勝春
兒童竹馬歡相接
無復當年佩犢人

甘泉井

邑人李林蒸

千山烟樹萬山菁
泉冽潺湲弭客旌
已覺玄霜開玉液
却疑仙掌墜金莖
雲疑鳥道連峯碧
石咽龍津徹底清
執杓不妨頻滿腹
漢家久矣渴長卿

卷八終

西寧縣襍詠十二首

知縣謝天中

西寧感懷

東粵宅海圻
西山何處盡瘴烟
晝不開天地為昏
黷孤城寄其間
荒涼如村谷
四郊烟火踈
萬壑蕪蕪
藁簇白日馳
豺狼陰岩卧
蛇蟻豈無駕
鷲班投此
猺獞族啟沃
矢草茅獻替
幽獨胡為在
遐裔萬
里同窳
遂覺雲起林際
空庭風肅肅
遙望九重天
淚墮長沙哭

忠愛堂

四首

九重辭北關萬里入南蠻
自許心如水誰知門即
山流雲從去住栖鳥任飛還
日落無王事悠悠晚
吹閒

僻邑倚危峯幽然深谷同嵐光當戶牖庭影接蒼
蔥寂寞雲烟滿蕭條隸卒空從來推卧治對此想
高風

縣小官如隱民椎俗易安空庭無續續公座眺層
巒范甌塵應滿空絃靜可彈一簾門窗窈窕好作山
陰看

害馬傳前訓烹鮮作我師
民安從俗便事簡看山
宜檐接崇崗近琴鳴暇日
遲寥寥白晝暮叢樹鳥
群栖

龍井山

龍蟄深何處清泉此地流
一泓常汨汨千古自悠悠
竹覆寒光冷雲封靜影幽
空山被潤澤草木亦
條蘇

龍井菴

龍宮岑寂隱山隈
石徑蕭條長古苔
雲抱深林時

出沒僧持短策獨徘徊鐘聲夜度閒庭月鳥語暗
喧空谷雷萬木森森人跡斷禪關靜閉不須開

漱流堂

龍井山有堂三間殖殖宏敞足供登臨之樂而
無其名余見山泉之湧滌激灑于其前也榜曰

漱流堂

空堂依絕巘庭際滙清流細瀦微風織寒烟盡日
浮氣侵几席冷色入石林幽對此塵心淨依希洗
耳儔

枕石亭

龍井山多石如釜如鼓如大羊虎豹不可勝數
獨一石嶙峋突兀削成四方昔人架亭其上榜
曰不二亭余未解不二之為何指也第以亭在
石上更名枕石亭取其顯而易見云爾

石磴方如砌閑亭結構奇山光臨檻動雲影倚檐
垂睇引清霄迥博邀落照遲偶未成高枕滯

還期

龍巖

龍巖之洞穿石裂龍巖之水浸地列下幾無入
杳冥中若有神憑靈宅時見烟雲白晝飛每聞雷
電中霄霹靂泓淵湛蓄不窮胡為荒郊委荆棘吁
嗟龍巖兮行人惻

封門道二首

亂樹弭崗黝長蘿覆地垂草豐深沒馬林暗伏鳴
鴟碍日峰爭聳轟雷水怒漸嵐烟當晝暝四顧增
悽其

矗嶺千層合迴溪百折蟠陰風號邃谷午日掛高
巖天勢看疑小鳥聲聽轉酸蕭條荒徑裡奔走苦
屯遄

西寧縣外夷志卷之九

治古之世自唐虞首以夷猾夏為憂矧羅旁迺幅
幘內地猱賊竊據虔劉其中是四體之癰害拱把
之蠹毒也人面獸心喜怒不常

明興二百年來倏服倏叛其為版章之累匪淺鮮矣
今地入輿圖孽歸編戶倘所稱王者無外非耶然
非我族類其心必異大風立於青丘鑿齒奮於華
野往者之徒戎固來者之鳧鑑也柰何不外而內
之也嗟夫式固爾猷則飛鶚懷好音否則蓄蜂而

待之螫當事者亟畜之作外夷

西山諸獍相傳為盤馱氏之種其性頑獷賊中有
知咸稱父祖累代兵戈未加且東抵新興南連陽
春西至鬱林岑溪北盡長江與肇慶德慶封川梧
州各僅一江之隔皆其黨類地方延袤可幾千里
萬山聯絡層洞縈迴莫可窮詰賊中嘗為私言官
有萬兵我有萬山兵來我去我去兵來自為得計
負山依谷林木為居刀耕火種為食以砂仁紅豈
藤漆皮蠟為利言語侏儻椎結跣足衣斑爛布褐

食無積聚濯則又徙一山兒始能行爐釜
蹶便袒頽不仁故能蹈棘走險而不傷出入持刀
弩者口帶刀而手射人或冒刃逼之長戟無所施
刃而面其婚姻多於賽祠男女唱和其喪葬則作
樂誦歌謂之煖褻暇則相聚捕獸以食飲酒必至
沉酒善則人怒則歎忿爭之際雖至親亦手刃海
讎視死如歸攻盜剽掠其天性然也

外夷論

論曰天下一家者王者之體內華外夷者王者之用然羅旁內地非可與此同類而非之也噴天威遠暢督臣矢謨舉累世氛妖會朝湯滌即添刃遺孽靡不捐心搏志願歸版畜胡能羞是制其死命哉則以處置得宜也古稱率服者曰博德允元誦米王者曰克艱無怠夫聖人不較憂於業睦不忘於微幾康則制御之術可知矣願其本不在成而在順治寧一隕區耳負耒耜者列肆者盡異於戡耕者無宿儲賢者止錙銖而思

探一衣饑衆蟻民何以聊生也矧城郭遐邇軍兵過半每、憑藉以虐百姓望兵署若叩九閻氣無得咏即隸民篆者委之有主而弗問嗟哉小民去而鄉里何為舍安而就毒也萬一釋耒而市槌蠻瞰虛而鼓掌二三武弁其能國耶此賈生痛哭于治安而武侯之明所不能遠觀也撫循調停之術非今日制御之上策哉是在司風憲者加之意矣

卷九終

西華縣志卷之十

華表石

在羅旁河口對面望之如僧首俗呼紀石
 漢陸賈使南粵泛舟
 直卷舟以代錦囊石
 時歲祀此石
 其頂刻華表石三字
 然砥柱江流堪輿家每以為奇若猛逆
 順神豈福之今為縣治當壯西寧一屏也
 載本州志

浮沉石

在羅旁水口昔傳有石在江中隨波出
 沒即赤松子煉丹之處其側舊赤松子祠
 載本州志

茸泉

在燈心嶺湧泉如噴味茸如飴四時不涸
 行首倦疲就飲若茸露蒸萬曆十七年

定道陳公文衡令鑄其石曰井泉知縣材
致禮構亭其中以息行人

西寧邑志後序

余讀魯論至顓孫氏舉楚令尹

子文以舊政告新令尹而夫子

許其為忠竊疑以為此亦恒人

之所能而君子之細事以子張

之賢過推慕之乃欲擬之於仁

田字期
雖夫子之不許而亦以為忠余
未之深喻今春入仕承乏西寧
捧檄登道昕夕競之西寧雖小
亦新建邑也民性之淳雜風俗
之習尚物土之生殖貢賦戶口
之多寡與夫山川之險要道

之往來市井之集散溝渠之通
塞所以盡人之情而極事之變
者儻々然一時欲人盡語於我
心不可得欲得人語我尤忌不
得語我者之人反生暗室盲行
之弊噫誠難之矣秋中蒞治計

倣單父將求所以語我者而簿
書惵惵案牘相仍且往來交際
精神勞憊日不假給此時茫乎
無措始知如楚子文之告不可
得也追訪學博雲君見劓剖氏
三五者人攻鐵亭詢之雲君曰
此前任林侯命弟子員朱潤鄒
偉輩所輯西寧邑志也書成未
就梓而林侯即有獨山之

命今

司馬洪公序其前其有關畧與
夫後序則於明府有待也予披

閱見其首地輿志則圖經沿革
疆域與夫山川形勝氣候風俗
物產備焉次建置志則城池公
署學校與夫樓臺橋梁津路備
焉次賦役志則戶口田糧賦役
備焉次禮儀次秩官次人物以

及夫兵防營堡繼之以藝文
志終焉井、然一邑之民情物
理昭然如示不將為文獻之徵
乎恍乎若林獨山之面告於我
者楚子文所云舊政者端在茲
矣其不有取於夫子耶雖不敏

敢不援是書而變通之竭其遺
思以求其効於尺寸間者

萬曆二十年秋九月吉旦知西

寧事灌陽卿一鳴書

